



漕運全書卷之三

漕糧原額

歷年成案

一康熙十三年四月安徽巡撫靳輔題

戶部議覆

廬州府英山縣請改永折必致有虧

天庾庶毋庸議至該撫既稱無為等七州縣向係徵兌紅

米因紅稻不耐乾旱農民率皆種白請將紅米改兌

白米以甦民累相應准其徵收白米

一康熙十二年十一月浙江巡撫范承燾總督劉兆麟

會題

戶部議覆查漕糧關係重八連年蠲折甚

多京通各倉存貯無幾未便盡議改折除仁和等十
五州縣十一年分漕糧被災九分十分者每石折銀
七錢其八分以下仍徵本色併准歸安烏程德清三
縣漕折兩年帶徵其折漕輕賚並造冊行月等項銀
兩照數解部隨漕幫貼等項俱准蠲免

一康熙十四年二月安徽巡撫靳輔會同漕運總督帥
顏保疏稱池屬建德縣被賊慘苦東流縣流民遠徙

漕糧均難速完應請改折等因

戶部覆准遵行

一康熙十四年八月漕運總督帥顏保題

戶部議

覆宿遷縣復被重災相應准其改徵粟米起運其帶
徵康熙十一年十二年分漕糧既准改徵粟米不便緩
至下年帶徵仍于本年徵收起運

一康熙十四年十一月漕運總督帥顏保疏稱浙省杭
嘉等府康熙十二年以前未完丁地銀米已經具題
于十五年為始分為三年帶徵其漕川漕項應否一

例帶徵等因 戶部議覆漕項銀以原無帶徵之
例况關係急需應令總漕照限催徵全完題報

一康熙十四年十一月湖廣道監察御史郝浴題

戶部議覆漕糧例係冬兌冬開十五年
起運十四年漕糧此時照例兌運不便
改折應俟十六年起運十五年漕糧
河南准其徵銀充餉山東暫行改折
一切行月潤耗輕賈等項銀未該總
漕巡撫詳查題明以憑撥餉

一康熙十六年五月湖廣巡撫張朝珍會同總督蔡毓

榮疏稱湖北白米一項酌議于南漕二米內每石改

徵白米五升等因 戶部議覆應如所請于康熙

十六年為始照數徵收俟蕩平之日即行停止

一康熙十六年五月河南道試監察御史孫必振疏稱
河南正耗漕米每石各州縣額徵銀八錢五六分不
等官為採買交兌日以糞生遇米貴之日或發銀仍
令百姓買運或官買而令百姓議幫夫賤之日則官

自採買羨餘之銀遂入私橐是有本色之名而行折色之寔官有折色之徵而民仍有本色之運也近見部議以山東河南路近易運令將康熙十六年分漕米仍徵本色起運不知山東則寔徵本色河南則照舊額徵銀八錢仰請飭令河南百姓辦納本色免行徵銀等因戶部議令該撫總漕速行妥議覆稱豫屬州縣相距水次近者三五百里遠者千有餘里與山東濱河州縣不同如今百姓辦納本色不維遠運維

艱且挽運之費倍于米價當仍照全書徵銀買米為便等因

戶部覆准仍照舊例徵銀

一康熙十六年五月河南道監察御史孫必振疏稱河南一省正耗米石每石額徵銀八錢五六分或據當日粟米價值徵銀八錢查河南近年粟米頗賤每石不過三四錢豫撫佟鳳彩奏銷供應大兵粟米之價止三錢六分節年類推皆不甚遠請照時價每石用銀若干其餘額銀仍歸

朝廷等因戶部行令該撫等妥議覆稱辦買漕糧與供兵
米價不同兵米買之本地為數無多措辦既易價值
自廉漕糧額徵二十三萬有奇悉在隔省水次採買
價自昂貴今細加酌議每石以六錢六分為準照原
徵每石八錢數內節省一錢四分總計康熙十六年
分正耗米石并潤耗行糧共計節省銀三萬五千六
百八十三兩六錢零此外又議裁減祥符等州縣漕
糧項下盤剝賠項等項共銀五千七百六十八兩一錢

零共節省銀四萬一千四百五十一兩七錢零亦可
裨急需兵餉之萬一等因 戶部議覆買米價值
六錢六分尚屬太浮仍咨該撫核減具題到日再議

一康熙十七年四月河南巡撫董國興疏稱豫省漕米
出產有限悉買于隔省小灘地方去年秋糧薄收米
價到處湧貴計糶時值每石六錢六分委無盈餘昔
年徵價八錢三分八錢八九分不等後奉文每石概
定八錢前十四年間前道范周節省銀三萬三千九

百九十六兩零今十六年節省米價共多出七千四百五十五兩零復于每石六錢六分內又節省餘銀二千五百四十七兩零先後節省較前道多出銀一萬有奇查比全書定價已裁去十分之二請將此節省銀共四萬三千九百九十九兩零照數扣出解司充餉其餘徵給買漕免運等因 戶部覆准遵行

一康熙十七年十一月安徽巡撫徐國相疏稱鳳廬安三府屬壽州等二十九州縣復罹重災漕糧無以康

熙十七年分漕糧請照康熙十年例改折等因

戶部議覆查江浙漕糧已折五十四萬餘石京城不敷支用該撫題請壽州等州縣改折之處不便准行

一康熙十七年十一月江寧巡撫慕天顏題 戶部

議覆宿遷縣水沉田地上年錢糧業經免徵三分今該撫既稱尚未涸出應將本年錢糧亦照例免徵三分至帶徵十六年漕糧漕項錢糧既稱小民飢困難以完納應緩于十八年帶徵

一康熙十八年二月帶管漕務總河靳輔疏稱邳州宿遷徐州蕭碭等五州縣灾荒已極十七年分漕糧應照每石七錢之例折徵其十七年以前逋欠糧米及正雜漕項錢糧暫行緩徵請自十九年起五年內帶徵全完等因 戶部覆准遵行

一康熙十八年四月戶部疏稱宿遷縣水沉田畝自十一年至十四年未完起存正賦漕糧等項一概請予蠲停等因題准遵行

一康熙十八年九月偏沅巡撫韓世琦疏稱請將岳屬南漕二米比湖北例每石帶徵白米五升等因 戶部覆准遵行

一康熙十八年十月安徽巡撫徐國相疏稱鳳廬安三屬連罹奇灾請將康熙十八年漕糧正米七萬四千餘石併行月錢糧盡數改折其耗贈米銀概予豁免等因 戶部覆准遵行

一康熙十八年十月江寧巡撫慕天顏題 戶部議

覆各省每年起運米數較少于京城支放之數今若
將江蘇等六府一州漕米緩至來年改折則在京俸
餉支放不敷應令該撫查被灾稍輕田畝漕米徵收
一半起運其餘一半准于十九年帶徵

一康熙十八年十月帶管漕務總河靳輔疏稱宿遷沐
陽贛榆三邑年來河道衝決稻田老成沙土應請循
例永徵粟米起運等因 戶部覆准遵行

一康熙十九年三月江寧巡撫慕天顏疏稱宿遷縣田
地淹浸未涸所有康熙十八年分漕糧漕項仍請停
免俟十九年冬再行確勘起徵等因 戶部覆准
遵行

一康熙十九年四月江寧巡撫慕天顏會同總督阿蒂
熙疏稱沐陽縣水淹田地應徵十八年漕糧漕項請
照舊停徵俟十九年冬再行勘報等因 戶部覆
准遵行

一康熙十九年六月戶部疏稱查得漕糧所關最要前

以逆賊變亂大兵出勅將楚省漕糧一十六萬三千
餘石俱留供應又將江浙二省漕糧改折五十四萬
餘石以充兵餉原係一時權宜今京城支放數多各
省運米數少入不敷出相應將康熙十九年分楚省
漕糧及江浙二省改折漕糧行文總漕各該督撫照
舊起運等因題准遵行

一康熙十九年六月江寧巡撫慕天顏疏稱江南句容
等九縣被災康熙十八年分半徵漕米不能輸納暫

請以麥抵兌等因 戶部議覆漕糧從無運麥之
例相應將所徵麥石搭放十九年分新運芥丁將伊
等行月耗贈米內照數抵兌起運後不為例

一康熙十九年九月湖廣巡撫王新命疏稱漕南二糧
每石改徵白米五升今十九年官俸白米儘有餘裕
相應停徵白米等因 戶部覆准遵行

一康熙十九年十二月江寧巡撫慕天顏疏稱高郵興
化益城并江都之邵伯一鄉田畝水淹請將本年漕

項漕糧蠲免并請將溧陽等十四州縣漕項漕糧緩徵等因 戶部議覆田畝雖被災傷漕糧例不蠲

免應將高郵等四州縣漕糧漕項緩于二十年帶徵再查京城需米甚多已經行文將十九年漕糧盡數起運所請溧陽等州縣緩徵之處毋庸議

一康熙二十年二月江寧巡撫慕天顏等題 戶部

議覆桃源縣康熙十九年分漕糧該撫既稱田地淹沉未涸應准停徵其二十年漕糧等項錢糧照舊徵

收

一康熙二十年三月江寧巡撫慕天顏疏稱溧陽常熟等十八州縣連歲灾荒無米完漕臣深思

國儲重大未敢概求蠲恤故為酌量緩急之請却覆因京城需米甚多止將高郵等四州縣漕糧漕項准緩于二十年帶徵其溧陽等十四州縣未蒙允覆惟是溧陽常熟等邑十七十八兩年疊被重灾奚堪責令措米完漕查康熙十八年灾漕緩徵八十餘萬石今

請緩僅止二十餘萬石原非缺額請照前懇將深陽
等十四州縣康熙十九年災田應徵漕糧漕項緩于
二十年帶徵完兌等因 戶部議覆深陽等十四
州縣被災其十九年分二十餘萬石漕糧漕項如有
現經徵收者即行運送未經徵收者准于二十年帶

徵

一康熙二十年三月江寧巡撫慕天顏題

戶部覆

准宿遷縣涸出成熟之地應于十九年起照數徵收

其停徵未涸田地仍于二十年冬差官確勘具題徵
收

一康熙二十一年三月護理江寧巡撫印務布政使丁

思孔疏稱宿遷縣原報淹田仍無涸出請將康熙二

十年漕糧漕項俱照舊停徵俟康熙二十一年冬再

行確勘另報等因 戶部覆准遵行

一康熙二十一年八月江寧巡撫余國柱會同總督于

成龍題 戶部議覆深陽宿遷二縣康熙二十一

年被災十分田地應照例免本年錢糧十分之三漕
糧漕項不准蠲免

一康熙二十一年十月安慶巡撫徐國相會同總督于
成龍疏稱翟家堤築堤係從盱眙縣民田中心築立
請將應徵銀四十九兩六錢一分零米麥一十一石
一斗三升零自康熙二十一年為始准其豁免等因

戶部覆准遵行

一康熙二十二年二月河南巡撫王日藻疏稱豫省漕

糧歷來僉差官役前赴直隸大名府小灘地方買米
交兌間有向隣近水次州縣運買好米而小灘牙儈
勾結官衙媮中州米帶黃色抑勒不取必要小灘之
米以致官民交困請允行政折等因 九卿詹事

科道等議覆豫省漕糧原係徵銀買米起運康熙十
五年間需用兵餉改折後因各省漕米截留京城米
石不敷仍令買米起運今該撫既稱官民採買苦累
應將豫省漕米准其折銀解部

一康熙二十二年三月江寧巡撫余國柱疏稱蘇松常
鎮四府屬賦重役繁水旱頻仍康熙十七十八十九
等年未完漕項請自康熙二十三年起每年帶徵等
因 戶部議覆康熙十七年以前民欠地丁錢糧
已奉

恩詔蠲免此三年漕項錢糧不便帶徵應將所題之處毋庸

議等因奉

旨依議江南各項錢糧從來常多逋欠非係小民未完皆由

不肖官員侵欺那移紳衿人等憑借勢力恣行抗玩不肯
如額速完積弊相沿因循日久致累地方着嚴加申飭嗣
後如有仍蹈前轍侵那逋欠者該管官員據實指名題參
從重治罪欽此

一康熙二十三年九月二十四日欽奉

恩詔內開一江南浙江江西湖廣省分自用兵以來供應繁
苦康熙二十四年所運漕糧着免三分之一康熙十三年
起至二十二年拖欠漕糧着自康熙二十三年起每年帶

徵一年欵此 戶部隨咨行總漕及江南浙江江西湖

廣山東河南各督撫欵遵施行

一康熙二十四年三月江南巡撫湯斌咨稱二十三年

漕糧

恩詔免三分之一其額徵灰石銀兩原係漕糧內^扣出折徵

此本折漕贈行月錢糧應一例扣^蠲等因 戶部

咨覆

恩詔內并無將灰石等項錢糧一例^蠲免行令照^催數^追徵

一康熙二十四年十月漕運總督徐旭齡咨稱蘇松等

府康熙二十三年分^蠲免漕糧項下贈貼行月米石

應否照折漕事例徵解等因 戶部議覆先經該

督將江安糧道所屬贈貼行月米石請照折漕事例

徵解本部行令徵米運通在案此蘇松等府亦應徵

米運通

一康熙二十七年二月漕運總督慕天顏疏稱漕項錢

糧遇災不^蠲奉

赦不免但節年舊逋寔屬無徵請將康熙十三年至十七年
帶徵漕項銀兩米麥盡賜蠲免其十八年以後自康
熙二十七年為始帶徵二十一年之項二十八年帶
徵二十二年之項其十八十九二十年逋于二十九
年徵起則民不受兩項分歧之苦而公家仍有連年
輪次之徵等因戶部議以蠲免帶徵俱無庸議奉

奉

旨康熙十七年以前所欠漕項銀兩米麥俱着蠲免餘依議

欽此

一康熙二十八年七月二十二日戶部欽奉

諭旨朕前巡幸江南凡所經歷于編氓疾苦必詳加體察如
傷念切每沛恩膏朕過邳州親見彼處田地多為水淹沒
耕耘既無所施賦稅于何取辦其現在被淹田畝應納地
丁及漕項錢糧俱行蠲免歷年逋欠亦盡與豁除欽此

一康熙二十八年八月湖廣總督丁思孔等疏稱湖北
各府滴雨未降顆粒無收祈將本年分應徵漕糧及

隨漕各項錢糧或俯照江南邳州之例盡與豁免或
照江南省之舊例于二十九三十年分年帶徵等
因戶部議覆應如所題將本年分應徵正耗漕
糧一十四萬八千三百石零漕項錢糧四萬八千一
兩零准其于二十九三十年分年帶徵起運其南米照
數徵收勿悞兵餉供支

一康熙二十八年十月漕運總督董訥咨稱邳州現在
被淹田畝應納地丁及漕項錢糧俱行蠲免伏讀

上諭內未經指出漕糧字樣恐小民以錢糧盡行蠲免漕糧
亦現望不納再現在被淹田畝既奉蠲免其不被淹
之田地該州官民亦概行望蠲事聞錢糧漕糧是否
不在蠲免之內等因戶部咨覆查本年七月二
十二日

上諭內開朕過邳州親見被淹田地多為水淹沒耕耘既無
所施賦稅於何取辦其現在被淹田畝應納地丁及漕項
錢糧俱行蠲免欽此是被淹之田畝既奉

上諭俱行蠲免則漕糧亦在蠲免之內其不被淹之田地仍照舊徵收

一康熙二十九年正月總督倉場凱音布疏稱八旗繁

衍佐領加增官員兵丁人手甚衆海島絕域無不景

慕聲教傾心來歸此內官員人等召至京師亦支給

廩俸凡此動用米石為數浩繁請停豫省米石折銀

仍徵本色等因九卿詹事科道議覆查康熙二

十二年二月內原任河南巡撫王日藻以豫省漕糧

歷來僉差官役前赴直隸大名府小灘買米交兌間

有向隣近水火州縣運買好米而小灘牙僧勾結官

旂嫌中州米帶黃色抑勒不收必要小灘之米以致

官民交困題請改折經九卿會議覆准折銀解部在

案今總督倉場凱音布等既稱需用米石為數浩繁

應如所題將豫省漕糧今年徵收本色惟以乾圓潔

淨為主並不在米色之黃白如有仍前拍稱米黃抑

勒不收等弊該撫嚴查題參從重治罪

一康熙二十九年八月河南巡撫閻興邦疏稱豫省漕
糧奉

旨仍徵本色值今開歸等府州雨澤愆期二麥薄收秋穀鮮
獲勢必遠赴隣郡購買米價騰貴兼之盤費脚力幾
倍正供小民辦運維艱仰祈將二十九年漕糧暫免
辦運俟三十年起遵例徵解等因
九卿詹事科

道覆准遵行

一康熙三十年三月河南巡撫閻興邦疏稱河北河南

各州縣雨澤愆期所有應辦漕糧請暫停今年一運
等因議奉

旨着照該撫所題停運一年欽此

一康熙三十年三月漕運總督董訥咨稱徽寧等屬不
通水路各州縣南撫未石粟請改折其減存月糧應
否每石八錢一例折徵等因
戶部咨覆查減存
月糧舊例每石折銀一两應仍照舊例遵行

一康熙三十年六月江寧巡撫鄭端等疏稱六合縣屯

衛額徵銀未連遭荒旱自康熙二十四年至二十九
年俱有未完其上元江寧二縣屯衛銀未歷久累積
不能兼辦請于康熙三十一年起一年帶徵一年等
因戶部議覆查康熙二十九三十兩年六合縣
題有災傷前項未完銀未應令分年帶徵其上元江
寧二縣並無報有災傷之處仍令照限催完報部

一康熙三十年九月十九日戶部欽奉

諭旨河南一省連歲秋成未獲豐稔非沛特恩蠲免恐致生

計艱難康熙三十一年錢糧着通行蠲免並漕糧亦着停
徵欽此

一康熙三十年十二月初四日欽奉

諭旨京通各倉歷年貯積之粟恰足供用應將起運漕糧逐
省蠲免以紓民力除河南省明歲漕糧已頒諭免徵外湖
廣江西浙江江蘇安徽山東應輸漕米着自康熙三十
一年始以次各蠲免一年欽此

一康熙三十一年三月江寧巡撫鄭端會同總督傅臘

一塔等疏稱鳳揚二府屬之藍高等五州縣康熙二十

九年冬所勘全涸田畝二萬四千四百三十一項三

十二畝零積淹至二十餘年請將荒廢田畝錢糧暫

准停徵等因 戶部議覆查淦田係每年冬勘一

次如有涸出即照例起徵今于二十九年勘報全涸

一丁銀已經起徵其地糧亦應照例于三十年起徵

一康熙三十一年四月湖廣巡撫吳璥咨稱湖北康熙

三十一年分漕糧既奉

皇恩蠲免其隨漕項下等銀應否一概豁免等因

戶部

咨覆查康熙三十年十二月初四日奉

上諭內開湖廣江西浙江江蘇安徽山東應輸漕米着自康

熙三十一年始以次各蠲免一年欽此並未開有隨漕等

項錢糧蠲免之處應令該撫照數徵解

一康熙三十二年六月河南巡撫顧沅疏稱豫省漕米

非江浙等省可比豫省不通舟楫遠赴直隸大名府

採買交兌兼之給運軍盤剝等項雜費數倍正供是

以康熙二十二年前撫臣王日藻題請改折至二十九年奉文仍運本色因地方荒歉前撫臣閻興邦疏請停運又奉

特旨准折三十一年復奉

旨停徵是豫省漕米自改折停徵已歷十載而

天庾之積並未匱缺有益于民生無損于

國計仰祈照舊永折等因 因奉

旨河南漕糧停止民間採買着折徵銀兩該撫身往直隸大

名府所屬地方照額購買親聽起運如有遲悞將該撫從重治罪欽此

一康熙三十二年七月浙江巡撫張鳴騫疏稱杭嘉等

八府屬入夏亢旱于六月終旬得雨田雖補種節氣

已過即有收成亦屬青腰白臍不堪辦供漕米請將

康熙三十三年之蠲免移免三十二年之額徵一轉

移開于

國賦民生均有裨益等因

戶部議覆查康熙三十

年十二月內奉

上諭湖廣江西浙江蕪安徽山東應輸漕米着自康熙三

十一年始以次各蠲免一年欽此欽遵于三十一年免湖

廣省三十二年免江西省三十三年免浙江省今該

撫既稱浙省今歲適時補種無有好米應如所題移

免三十二年之額徵其三十三年米仍照額起運

一康熙三十二年九月十六日欽奉

諭旨江浙二省今年夏旱雖不成災秋收量必有限若漕糧

照常徵收起運恐民食將至匱乏朕為此常切軫念除浙

江漕糧已經改于今年蠲免外其江南漕糧今年或三分

免一或免一半俟至該省應蠲年分將今年所免米石照

數補徵起運于漕糧既無缺少官民大有裨益欽此

大學士會同戶部堂官倉場侍郎等議覆查先奉

上諭江蕪漕糧應于三十四年蠲免安徽漕糧應于三十五

年蠲免今欽奉

特旨酌量減免應將江蕪安徽今年漕糧三分免一此所蠲

漕報俟至該省應蠲年分照數補運

一康熙三十三年二月江寧巡撫宋榮疏稱六合一邑

荒歉頻仍八年舊欠萃于一歲併徵軍力難堪請將

康熙二十二年并二十四年至三十年軍欠漕項銀

兩于三十三年為始分年帶徵等因奉

旨這事情着照該撫所題行欽此

一康熙三十四年三月江南總督范承勳疏稱未完地

丁銀未江蘇所屬二十八年起至三十二年止廬鳳

二屬六合等五州縣二十七年起至三十二年止及

蕪松江安糧道所屬未完漕項十八年起至三十一

年止請俱于三十四年為始每年帶徵一年等因奉

旨這歷年地丁及漕項未完錢糧俱着自康熙三十四年始

分年帶徵欽此

一康熙三十五年五月漕運總督桑格疏稱揚倉未全

書編載每石六錢徵解於康熙二十六年奉文照折

漕之例每石九錢概行駁增但從前經徵之官去亡

過半在民久已完納不便復向重徵請自康熙二十
六年起遵照部文每石九錢折解其康熙二十五年
以前久經徵解之項部覆駁增銀兩具題請豁等因
戶部覆准遵行

一康熙三十五年八月漕運總督桑格會同總督范承
勳等疏稱康熙三十三年以前歷年積欠及帶徵未
完銀米欵奉

恩詔俱看豁免查漕項錢糧與地丁錢糧原無分別

恩詔內無漕項不免字樣應否一例均免等因奉

旨這漕項歷年積欠及帶徵未完銀米看照該督等所題豁
免欵此

一康熙三十五年九月江寧巡撫宋學會同總督范承
勳等疏稱淮揚徐所屬海邳等二十州縣衝被水災
田所有本年地丁漕糧漕項應否破格蠲免等因
戶部議覆查定例被災田地漕糧漕項不准蠲免

應毋庸議

一康熙三十五年十二月江南總督范承勳等疏稱准揚徐所屬各州縣衛及上江之泗州等屬今歲伏秋水勢異常田廬盡沒請將被災各州縣衛三十五年分地丁漕項錢糧破格全蠲其三十四年未完錢糧暫行停徵俟三十七年帶徵等因奉

旨這三十五年一應錢糧俱着照該督等題盡行豁免其三十四年未完錢糧亦照該督等所題于三十七年帶徵欽此

一康熙三十七年六月漕運總督桑格會同西江總督范承勳疏稱建平縣歲徵漕糧正耗粳米四千餘石遠赴他郡採買該縣舟楫不通肩挑背負寔為民困請將該邑土產私米交兌等因奉

旨建平縣改徵私米于民有益着照該督等所題行欽此
一康熙三十七年十一月二十五日欽奉

諭旨淮安揚州鳳陽等處比來水旱頻仍田多滄沒耕獲無從經朕時加軫恤賴以安堵但念久歉之餘恐致資生匱

之着將海州山邑陽安東鹽城高郵泰州江都興化寶應
壽州泗州亳州鳳陽臨淮懷遠五河虹縣蒙城盱眙靈璧
等州縣并被災各衛所康熙三十八年一切地丁銀米等
項及漕糧盡行蠲免務使民間均沾寔惠欽此

一康熙三十八年三月二十二日戶部欽奉

諭旨淮揚兩屬被災錢糧曾經該督撫具奏部議照例減免
三分今念百姓餬口維艱安能辦賦應破常格用沛鴻恩
淮安府屬之海州山陽安東鹽城揚州府屬之高郵泰州

江都興化寶應九州縣并淮安大河二衛康熙三十七年
未完地丁漕項等銀一十九萬有奇米麥一十萬石有奇
着全與蠲免欽此

一康熙三十八年四月十六日欽奉

諭旨鳳陽府屬去歲潦災甚重康熙三十七年該府屬壽州
泗州盱眙靈璧十一州縣並泗州一衛未完地丁漕糧等
項着一槩免徵欽此

一康熙三十八年五月初六日欽奉

諭旨東省前年被災泰安等二十七州縣生計尚未豐盛宜
更加恩休養所有康熙三十六年未完地丁銀米俱着免
徵其三十七年應徵錢糧原因災傷令三十八年完納今
念一歲之內並需兩歲之租恐物力艱難未能兼辦着分
作三年帶徵以示寬恤欽此

一康熙三十八年十一月初五日欽奉

諭旨淮揚所屬海山等州縣衛連年河流浸漫田廬耕獲無
從來年租賦安能輸辦着將被災海州山陽安東鹽城大

河衛高郵泰州江都興化寶應等州縣衛康熙三十九年
地丁銀米等項及漕糧漕項銀兩盡行蠲免欽此

一康熙三十九年三月漕運總督桑各會同兩江總督
陶岱等疏稱淮揚歷年水患頻蠲疊賑復于康熙三
十七年之例冬特頒

上諭將淮揚鳳三府屬被災地方康熙三十八年一切地丁
銀米及漕糧盡行蠲免戶部以

上諭內並無漕項字樣將此款責令復徵應否將漕項蠲免

等因奉

旨這漕項錢糧着一併蠲免欽此

一康熙四十年十一月河道總督張鵬翮會同西江總督阿山疏稱泗州盱眙五河三州縣并泗州衛康熙四十年水淹田地應免一二三分銀兩請乞蠲免其歷年久沉田地每年該徵銀一萬二千二百四十八兩三錢七分零漕米九百石三斗三升零麥一千四百石七斗八升零每年有報災之項請將康熙四

十年錢糧仍邀

皇恩蠲免至四十一年如有涸出即報明起科或未盡涸出地方官查報另行具題等因 戶部覆准遵行

一康熙四十二年八月河南巡撫徐潮疏稱豫省五六兩月雨水過多禾苗損傷米價高貴每石需銀八錢及一兩以上不等豫省漕米原定每石六錢五分今值薄收米貴漕糧難辦請將康熙四十二年購買漕米並潤耗行糧等米共二十五萬石有奇暫免辦

運其米折銀兩並隨漕各項照額徵收起解等因

戶部覆准遵行

一康熙四十三年四月河南巡撫徐潮咨稱豫省康熙

四十二年分應運漕糧折徵銀兩例應委員解部請

照本省起解地丁之例每兩給發腳價銀四厘三毫

在臨德倉支軍米折銀內撥給等因

戶部咨覆

准行

一康熙四十三年九月山東巡撫趙世顯疏稱山東省

四十三年應徵錢糧盡行蠲免四十二年停徵帶徵

錢糧又蒙

諭旨緩至四十四年起徵其四十二三年漕項及臨德

等倉未麥本折銀米可否緩至四十四年起徵等因

奉

旨着照該撫所題行欽此

一康熙四十四年閏四月漕運總督桑格疏稱漕項內

耗贍伍米并白糧給丁飯米一年約有三萬餘石原

徵米給發旂丁奉部將此二項米石裁減不給伍
米每石折銀一兩二錢飯米比照白糧之例每石折
銀一兩五錢江南米價每石不過七八錢不敷定價
以致歷年缺欠數萬石查四十三年九月內戶部將
京倉老稜二米發一十二萬七千二百七十石減價
糶賣令動道庫銀兩于豐收處照市價採買于漕舡
內附搭運通臣請停止動用道庫銀兩採買將三十
七年起運至四十二年止應徵二十餘萬石伍飯二

米內現有米六萬石于本年漕舡內搭運其不敷六
萬七千二百七十石將節年積欠嚴催陸續搭運以
足糶賣之數餘剩米石并四十四年以後每年應徵
米石傳其折銀徵米于漕舡內搭運庶歷年缺欠米
石得以速完等因 戶部覆准遵行

一康熙四十五年五月十七日欽奉

諭旨直隸山東地方屢年收穫民氣漸舒所有宿逋尚應輸
納朕念黎元方有起色辦賦猶艱一時新舊并徵勢難兼

應宜更加寬恤以宏^休養直隸自康熙四十一年至四十三年各府屬未完民欠銀八萬二千七百兩有奇糧五千九百石有奇山東省自康熙四十二年各府屬未完民欠銀一百六十九萬一千七百兩有奇糧五千九百石有奇俱着蠲免倘應徵舊欠有現完納在官者即准抵本年正賦

欽此

一康熙四十六年十一月初二日欽奉

諭旨江浙地方賦役殷繁比年以來業已節次敷恩頻行蠲

貸項因兩省偶被旱災隨命按數減徵豁免漕欠並分截

本年漕糧令該督撫親往散賑茲特再施膏澤用弘休養

今年被災安徽巡撫屬七州縣三衛江寧巡撫屬二十五

州縣三衛應徵^糧銀三十九萬二千餘石浙江二十州縣一

衛應徵糧九萬六千餘石四十七年俱着免徵所有舊欠

亦暫停追取欽此

一康熙四十七年九月二十四日欽奉

恩詔內開今歲山東州縣間被徵旱河南所產之米顆粒較

小此二省米穀應留為本地方之用所有應起運漕糧着酌量改折每省應改折若干穀^石作何定價該部作速確議具奏欵此 戶部議覆山東應酌留漕糧八萬石河南應酌留八萬石令各該撫照例折銀解部具改折隨漕行月等項錢糧俱令照數起解

一康熙四十七年十一月浙閩總督梁鵠奏稱湖州府府田穀失收民間幸獲賑濟其應完漕糧無從購買小民迫切呼懇杭屬之仁和錢塘二縣亦然應否令

今年^完納一半來年帶徵一半等因

大學士馬齊

等覆准遵行

一康熙四十七年十二月山東巡撫道世顯奏稱山東徵旱應徵糧米奉部議准改折八萬石窮黎被沐

弘恩得以寬舒但計災歛地方仍有應徵漕米二十五萬六千五百二十四石小民尚覺艱于完納且今歲田禾被旱米粒皆不飽滿不足以上供

天庾可否將東省本年漕糧除有收處所仍照常徵解外

其定歙州縣應徵漕糧并閏月本色米麥及德州常
豐倉本色麥通共二十五萬六千五百二十四石再
改折八萬石其餘仍照常徵收本色抑或將此二十
五萬餘石緩至次年併行徵收起運等因奉
旨着徵收一半其餘一半着次年帶徵欽此

一康熙四十八年正月江寧巡撫于準疏稱江南地方
百姓兩歲被災應徵漕米六十三萬餘石請暫緩一
半至秋收後帶徵等因 戶部議覆應如該撫所

請徵收一半起運外其餘一半于本年秋收後照數
帶徵搭運

一康熙四十九年正月浙江巡撫黃秉中題 戶部

議覆先經該撫將緩徵米一十八萬四千四百六十
七石零請分為四年帶徵搭運又平糶米八萬石請
留貯省倉預備兵糧俟將虧空康熙三十年間截留
米十萬石催追完足并緩徵米石帶運完日將前項
平糶米八萬石亦分為二年搭運等因具題 臣部以

漕糧係運京要項前項緩徵并平糶米石應即分洒
各幫于四十八年冬起運赴通議覆行文在案今據
該撫疏稱平糶米八萬石緩徵一半米九萬二千餘
石已附搭運通應行文倉場俟抵通之日照數收受
其餘一半米九萬二千餘石該撫既稱現今民力艱
難徒事催徵究難全完應如所請將未經搭運一半
米石于今冬作速照數徵完帶運如今冬再行推諉
遲延將該撫各官交部嚴加議處

一康熙四十九年正月兩江總督噶禮^會同漕運總督桑
格疏稱淮揚徐屬卽宿等十三州縣并徐州衛本年
夏麥秋禾兩被災傷新漕米麥豆十五萬石零漕項
銀四萬九千一百兩零並一切舊欠漕項錢糧俱請
暫停徵收俟來年秋收帶徵搭運等因奉

旨俱照該督所請于明年秋收帶徵搭運欽此

一康熙四十九年五月江寧巡^撫張伯行疏稱蘓松常鎮
四府屬四十七年災田漕米僅^正耗米一十二萬

四千一百三十石零尚未完才一萬三千五百五十七石零請緩至四十九年秋收後徵完搭運等因
戶部覆准遵行

一康熙四十九年七月江寧巡撫張伯行疏稱江屬地方頻遭水旱所有四十四等年未完地丁屯折等銀應于四十九年開徵惟是民力有限完新寔不能完舊懇將四十四五六七年未完地丁漕項屯折錢糧准予五十年起至五十三年止挨次分年帶徵其

四十七年漕項錢糧俟奏銷後查明民欠一例緩于五十三年帶徵等因奉

旨着照該撫所請行欽此

一康熙五十一年十月偏沅巡撫潘宗洛會同漕運總督赫壽疏稱衡州府衡陽安仁二縣康熙五十年分衝洗崩塌無徵漕米一百二十八石八斗一升八合零請予豁免等因
戶部覆准遵行

一康熙五十三年八月戶部等衙門疏稱豫省漕例與

各省不同有漕州縣每石折銀八錢內除節省銀
一錢五分每石六錢五分該撫委員就近于衛輝水
次買兌今據該撫題報豫省開封河南彰德衛輝懷
慶等府共二十六州縣各成災六七八分不等而衛
輝府屬六縣俱被災八分七分六分六分若本年漕糧仍
于被災衛輝水次買兌恐秋冬之間米價騰貴請將
五十三年分漕糧暫行停買准照康熙四十七年截
留江西漕米三年搭運之例令其于康熙五十四五六
等年分買補運今年所徵之銀彙行解部其三年買
米補運銀兩于各該年漕項減存銀內動用等因題
准遵行

一康熙五十六年十一月二十六日欽奉

諭旨直隸安徽江蘇浙江江西湖廣西安甘肅等八處帶徵
地丁屯衛銀兩概免徵收其漕項雖例不准免亦着破格
施恩將安徽江蘇所屬帶徵項銀四十九萬五千一百
九十餘兩米麥豆一十四萬六千一百一十餘石內免徵

各半欵此

一康熙五十七年七月山東巡撫李樹德疏稱邱縣康

熙五十六年六七月間漳河南徙南北羅等村輸糧

田畝淹沒水中請照康熙三十三年邱縣西北鄉豁

免錢糧之例保題豁免等因

戶部覆准應將應

免銀兩麥米照例准其蠲免

一康熙五十八年四月刑部尚書張廷樞奏稱河南漕

米自康熙十四年每石折銀八錢解部民間之費所

省寔多後因御史孫必振條奏豫省連年粟米頗賤

每石不過三四錢部議遂將八錢之內節省銀一錢

五分解部餘銀六錢五分責令買米起運巡撫委各

州縣州縣仍派里民夫六錢五分之價時有不敷河

南各府俱係陸運人夫車價所費不貲百姓春夏納

折色八錢復發回六錢五分令其買米秋冬又交本

色固覺難支而州縣官不得已為民賠墊往往借庫

完漕漕完而庫有虧矣此官之寔情今八旗

官兵駐防開封每年需米二萬石請令開封附近州縣照所需兵米辦納其餘二縣俱令折銀起解倘通倉小米不足即以此銀于米賤水路地方採買稻米搭運舒官民之困省濶耗等費小米易大米可以久貯等因 戶部等衙門議覆查康熙三十二年特奉

上諭河南漕糧傳止民間採買着折徵銀兩照額購買起運欽此遵行年久今京通各倉雖存小米一百三十六

萬餘石倉糧積貯不可不使充裕嗣後將附近水次之衛輝彰德懷慶三府并附近水次開封府屬之州縣仍令民間每石上納節省銀一錢五分其餘六錢五分即徵本色起運至不近水次之歸德河南南陽汝寧汝州四府一州并不近水次開封府屬之州縣照常令民間每石折銀八錢上納內仍照例節省銀一錢五分解部其餘銀六錢五分令該撫交與糧道在大名衛輝等處採辦米石

一康熙五十九年三月江蘇巡撫存禮題 戶部
覆准江蘇等屬康熙四十八、八、五十八年止應
徵漕倉銀未一歲之收穫難辦十數年之積欠應從
五十九年為始挨次分年帶徵四十七年灾漕米石
令其于五十九年起三年內帶徵全完

一康熙六十年十月山東巡撫李樹德疏稱河南黃沁
水決流入東省之壽張縣濮州范縣柳城縣博平縣
境內麥苗晚豆滄沒無存請將壽張等五州縣六十

年分未完漕糧九千三百八十八石六斗八升二合
零分為三年帶徵等因 戶部覆准遵行

一康熙六十一年十月江蘇巡撫吳存禮疏稱康熙六
十一年分常鎮淮三府屬之武進無錫江陰宜興丹
徒丹陽金壇沭陽等八縣本年田地疊被灾傷請將
漕糧緩徵一半又海州海水噴發被滄特甚請全予
緩徵俟下年徵完起解等因 戶部覆准遵行

諸君君子其相與共

事則雖一平又豈能

若其則全壽衣國等

事一則全壽衣國等

事一則全壽衣國等

事一則全壽衣國等

事一則全壽衣國等



